



Sogn og Fjordane fylkeskommune  
Askedalen 2  
6863 LEIKANGER

ATT: fylkesrådmann

Vår ref.  
17/983-28/K2 - C11, K2 - D11/RUBO

Dykkar ref.

Dato:  
25.09.2017

## Søknad om økonomisk støtte til etablering av fullskala fotballhall i Florø-Storhallen i vest

Flora kommune skal fylle hjartet av Florølandet med aktivitet, idrett og friluftsliv. Storhallen i vest er eit viktig steg på vegen for å skape ei heilskapleg satsing på aktivitet på tvers av generasjonar, kulturar og organisasjonar.

Vi søker Sogn og Fjordane fylkeskommune om å delta med økonomisk støtte med ein tredel av kostnaden, inntil 30 mill. kr, for å kunne realisere ein fullskala fotballhall i Florø – Storhallen i vest.

### Bakgrunn

I 2016 var nærare 3800 av Flora sine innbyggjarar medlemmer av idrettsrørsla, ca. 1500 kvinner og ca. 2300 menn. Den organiserte fotballen rekrutterer og engasjerer breitt med over 1000 aktive, 800 gutar og over 200 jenter i alle aldrar. Frå Flora er det i seriesystemet til NFF i 2017 påmeldt i alt 66 lag, 48 gutelag og 18 jentelag.

Florø Fotball spelar i førstedivisjon, OBOS-ligaen, i 2017, og ein kan allereie no slå fast at plassen er redda også for neste sesong. Fotballen skapar aktivitet og entusiasme og betyr mykje for identiteten til byen, kulturen og næringslivet i kommunen.

Å vidareutvikle topp- og breiddeidrett stiller store krav til Flora kommune. I budsjett og handlingsprogram 2017 er det i vedtaks form slege fast at "*Det er sprengt kapasitet i fleirbrukshallane og på kunstgrasbanane i Florø. Det blir arbeidd med alternative løysingar for større hallkapasitet, og fullskala innandørs fotballbane.*"

I Flora bystyre 27. april vart det i sak 36/2017 gjort slikt vedtak om lokalisering: «*Flora Bystyre legg til grunn at ein ny Fotballhall i Flora blir lokalisert sør for Litjevatnet og blir ein integrert del av kommunen sitt sentralidrettsanlegg.*»

Storhallen i vest skal byggjast og drivast av Flora kommune og vere eit interkommunalt idrettsanlegg for Flora og Vågsøy. I intensjonsavtalen om samanslåing av kommunane Flora og Vågsøy står det m.a. at ein vil *"Bygge ut Måløy og Florø som attraktive, urbane og kulturelle sentra ved å prioritere realisering av gjeldande plan for symjeanlegg, fleirbrukshall med spesialfunksjonar og kulturfasilitetar i Vågsøy og fullskala fotballhall i Florø."*

### **Grunngjeving, kvifor storhall**

Storhallen vil gje positive ringverknader for Flora og Sunnfjordregionen. Det er stor mangel på treningsflater og hallkapasitet, ikkje berre i Flora kommune. Realisering av Storhallen vil fristille hallkapasitet i Florø Idrettsenter og vil gje fotballen i Flora og Sunnfjord ytterlegare utviklingsmogelegheiter. Fristilt areal i Florø Idrettsenter vil gje plass til andre idrettar enn fotball og gjere tilbodet i idrettsfag ved Flora vidaregåande skule meir attraktivt med fleire valmogelegheiter.

Planane om storhall har fått brei støtte frå lokal idrett, Flora idrettsråd, Flora bystyre, styret i NFF Sogn og Fjordane, Sogndal Fotball AS m.fl. Alle støttar dei bygging av storhall i Florø.

I «Regional plan for fysisk aktivitet, idrett og friluftsliv 2016-2019» står det:

- *"Det er rom for tre storhallar til fotball 64 x 100 meter i Sogn og Fjordane inkludert kaldhallar. Det kan difor etablerast to nye slike anlegg.*
- *Etablering av nye hallar bør skje sentrumsnært der folk bur og gjerne tilknytt ein skule."*

Flora kommune er difor svært tilfreds med vedtaket som vart gjort i fylkestinget 13. juni i sak 27/2017 der fylkestinget er positivt til realisering av ny innandørs fotballhall i Florø.

Plassering av storhallen ved Litjevatnet gjev ei sentral plassering saman med Florø stadion, kunstgrasbane, skatepark og Flora ungdomsskule. Hallen er tenkt plassert nær turveggar langs vatnet og Storåsen. Anlegget skal stette krav til universell utforming og skal vere ope for alle. Storhallen vil vere lett tilgjengeleg og i gangavstand til Flora vidaregåande skule og i gang- og sykkelavstand til Havhesten badeanlegg.

Fotballmiljøet i Flora har rekruttert mange barn og unge frå innvandarmiljø, og bygging av ny hall er difor også eit viktig integreringstiltak.

### **Forprosjekt - mandat og organisering**

I samband med arbeidet med å realisere Storhallen i vest er det tilsett prosjektleiari, og det er oppretta ei forprosjektgruppe som har som mandat å greie ut og skaffe finansiering av ein fullskala fotballhall i Florø. Når det gjeld organisering og oversyn over deltakarar i forprosjektgruppa, vert det vist til vedlegg 1.

### **Tidplan**

Finansiering vil verte innarbeidd i budsjett og handlingsprogram 2018 og økonomiplan for 2018-2021. Ein ser føre seg å kome i gang med grunnarbeidet hausten 2018, sjølv bygginga i 2019 og ferdigstilling av hall og uteareal våren 2020.

### **Interkommunalt idrettsanlegg**

Det vert arbeidd med ein avtale med Vågsøy kommune om interkommunalt samarbeid om bygging av fullskala fotballhall i Florø. Storhallen vil med avtalen få eit tilleggstilskot på 30 % ekstra på dei ordinære spelemidlane, dvs. 3 mill.kr.

## Kostnads kalkyle og finansiering

Nye og førebelse kalkylar som er utarbeidde, syner at storhallen vil koste 123,9 mill. kr og at ein etter refusjon av meirverdiavgift og spelemidlar vil ha eit netto finansieringsbehov på 88,6 mill. kr. For ei meir detaljert framstilling syner ein til vedlegg 1.


For å kunne realisere Storhallen i vest er det ein føresetnad at idretten/private må bidra med 20 mill. kr, fylkeskommunen med 30 mill. kr og Flora kommune og Vågsøy kommune med til saman 38,6 mill.kr.

## Avslutning

Flora kommune tillèt seg med dette å søkje om **30 mill. kr i fylkeskommunalt tilskot** til realisering av ein fullskala fotballhall i Florø – Storhallen i vest.

Dersom det er behov for ytterlegare informasjon om prosjektet, står vi sjølvstilt til teneste.

Med helsing  
Flora kommune  
Ola Teigen  
ordførar



Terje Heggheim  
rådmann

## Vedlegg

1. Prosjekt IDRETT 2020 – Storhallen i vest
2. Anleggsporfølje

2017

VEDLEGG 1

Flora kommune



# IDRETT 2020 - STORHALLEN I VEST

Prosjekt IDRETT 2020 skal både sjå på bygging av storhall, utvikling av anleggsporteføljen, og på driftsorganisasjonen av idrettsanlegga i Flora kommune.

# Innhold

Innhold.....	1
IDRETT 2020.....	2
1.0 Mål og rammer.....	3
1.0 Bakgrunn.....	3
1.1 Prosjekt mål.....	5
2. Økonomi.....	6
2.1 Kostnadskalkyle og finansieringsplan – Storhallen i vest.....	6
2.2 Totalt budsjett for IDRETT 2020, investeringar 2016-2020.....	7
3. Organisering.....	8
3.1 Prosjektorganisering.....	8
3.2 Prosjektleiing i forprosjekt Storhallen i vest.....	9
3.3 Andre roller.....	9
4. Gjennomføring og framdrift.....	10
4.1 Framdrift forprosjekt – Storhallen i vest.....	10
4.2 Framdrift hovudprosjekt.....	11
5. Risiko og kvalitetssikring.....	12
5.1 Kritiske suksessfaktorar.....	12
5.2 Kvalitetssikring.....	12
6. Gjennomføring - Hovudaktivitetar "IDRETT 2020".....	13



## IDRETT 2020

Illustrasjon av rammene og forholdet mellom delene i prosjektet.

### Obos-liga

lyd, lys, TV-tårn, drenering,  
HC-fasilitetar hovedtribune

### Framtidig utvikling sentralidrettsanlegg

kiosk/lyd/tribune på kunstgrasbane  
rehabilitering/undervarme grasbane, romprogram Florahallen/tribune –  
permanente løysingar for TV og HC

Mellomromma mellom anlegga, skateparken og skytebanen

### Idrettsanlegga i Flora, utvikling av anlegg og driftsorganisasjon

Storhall, fleirbrukshall ved barneskulen, Havhesten,  
rehabilitering Florahallen, Florø Idrettscenter

Turstiar, sykkelruter, nærmiljøanlegg

## 1.0 Mål og rammer

### 1.0 Bakgrunn

*Den frivillige arbeidsinnsatsen i dei frivillige organisasjonane i Norge tilsvarer 147 800 årsverk.*

*61 % av befolkninga over 16 år, bidrar med frivillig arbeid kvart år.*

*Verdiskapinga i frivillig sektor (inkludert verdien av det frivillige arbeidet) var på 125,5 milliarder kroner i 2014*

Frivillighet Norge

Idrettsrørsla er av dei største frivillige organisasjonane i Norge, og i Flora kommune er nærmare 3800 medlemmer i eit idrettslag. Størstedelen av dei aktive medlemmane er mellom 6 og 19 år. Vi veit at å drive idrett frå barndommen av, er ein viktig faktor for å vere aktiv i vaksen alder. I tillegg veit vi at over 75% av befolkninga har turgåing som sin hovudaktivitet for fysisk aktivitet. Det er med andre ord eit svært godt folkehelseiltak å satse på tilrettelegging for den organiserte idretten i tilknytning til turstinett og friområde.

Flora kommune har dei seinaste åra rehabilitert stinettet i Brandsøysåsen, vi har merka turløyer frå Rådhuset og ut til flotte turmål som Sørstrand, Brandsøysåsen og Storåsen. Begge desse prosjekta er gjort med stor innsats frå Flora Turlag og frivillig dugnadsinnsats. Vidare er det vedtak i sentrumsplanen på å utvide turstien rundt Litjevatnet. Florø er blitt sykkelby. Og i september 2017 åpna vi Florø skatepark, 800 m2 betongpark delvis takoverbygd midt i skulegarden til Flora ungdomsskule. I Eikefjord har kommunen bygd ny fleirbrukshall vegg i vegg med den nye skulen.

I 2016 nådde Florø fotball målet om opprykk til OBOS-ligaen. Det store allmenne engasjementet fotballen sin suksess skaper i dag, viser kor viktig det er å legge til rette både for ei toppsatsing og ei breidde satsing. Vi trur på at Florø Fotball vil halde plassen sin i nest øvste divisjon neste år, og kanskje fleire år framover. Dette krev mykje arbeid av dei frivillige. Det krev også at det offentlege legg til rette for at fotballen kan utvikle seg vidare. Per i dag disponerer Florø fotball ein fullskala kunstgrasbane (68X105m) i Florø, i tillegg kjem innandørsareal på Florø Idrettsenter på 40X60 m, til trening. Florø stadion med si grasbane har avgrensa bruksfrekvens og vert brukt til kampavvikling i OBOS-ligaen og enkelte A-lag treningar.


Det er stadfesta at Florø barneskole har for lite areal for gjennomføring av fysisk aktivitet og kroppspøving i skuletida. Og med eit vaksande miljø for eit breitt spekter av innandørsidrettar som handball, volleyball, kampsport og turn, klarte vi i 2016 berre å tildele rundt 60% av omsøkte treningstider.



Flora kommune har som mål at vi skal ha eit mangfaldig kultur, idretts- og friluftsliv. Vi skal legge til rette for oppleving, opplæring og deltaking for alle, og vi anerkjenner at samarbeid med frivillig sektor er naudsynt for å nå målet om mangfald og inkludering. Dette er vedteke gjennom kommuneplanen sin samfunnsdel og er førande for korleis vi skal planlegge og arbeide med tenesteutvikling, og mellom anna skal styre utviklinga av dei kommunale kultur- og idrettsanlegga.

IDRETT 2020 er namnet på prosjektet, der målet er å sikre tilstrekkeleg kapasitet både for innandørsidrettane som er i vekst, og for fotballen som treng meir treningsflate. Vi skal sjå på dette i samanheng med utvikling av sentrum, kultur- og næringsutvikling. Og vi skal sjå det i samanheng med utvikling av heile anleggsporteføljjen, inkludert turstiar/turvegar, nærmiljøanlegg og så vidare.

### ***Vi skal fylle hjarte av Florølandet med aktivitet, idrett og friluftsliv.***





## 1.1 Prosjektmål

Prosjektet sitt formål er å sikre god styring av utviklinga av anleggsporteføljene for å ha tilstrekkelig kapasitet for utøving av fysisk aktivitet og idrett i framtida, gjennom utvikling av *fleksible, innovative og effektive* løysingar i samanhengen mellom anleggsporteføljene og driftsstruktur.

### Mål for forprosjekt - Storhallen i vest :

- 1) Sikre finansiering til å kunne starte bygging av innandørs fotballhall i full storleik  
Finansieringsbehov, kalkulert i forprosjektet
- 2) Avklare forhold kring eigarskapen til Florø idrettssenter.

### Mål og delmål i hovudprosjektet

1. Lage ein utviklingsplan for dei store anlegga i anleggsporteføljene. Denne planen skal sjå på samanhengar både i innhald og form. Korleis anlegga er plassert i forhold til kvarandre, og kva aktivitet dei stettar.
  - a) Gjennomføre ein behovs- og funksjonsanalyse som inkluderer alle dei store anlegga.
  - b) Lage ein utviklingsplan for Florø sentralidrettsanlegg – iverksette denne i evt byggetrinn.
    - i. Florø stadion (permanente tv-tårn, -tribune, -toalett, -speakerbu og klubbfasiliteter)
    - ii. Mellomromma mellom anlegga på sentralidrettsanlegget, og samanhengane mellom desse og turstinetet rundt vatna og i åsane.
  - c) Bygge innandørs fotballhall i full storleik
  - d) Bygge innandørs areal for kroppøving og fysisk aktivitet for Florø barneskole
  - e) Lage plan for utvikling av ledig kapasitet på Florø idrettssenter
  - f) Rehabiliterare Florahallen
2. Vurdere og implementere ny driftsform/ organisasjonsstruktur av dei store fleirbruksanlegga i kommunen (Havhesten, Florahallen, sentralidrettsanlegget, Eikefjord stadion, fleirbrukshall i Eikefjord, samt dei nye anlegga ) og vurdere dette i samanheng med nærmiljøanlegg og leikeplassar og grøntstruktur.
  - a. Utgreie dei økonomiske konsekvensane knytt til drift.

## 2. Økonomi

### 2.1 Kostnads kalkyle og finansieringsplan – Storhallen i vest

Storhallen i vest er kalkulert til 123,9 MNOK inkludert mva. Prosjektet gjev rett til mva-refusjon på 22,3 MNOK og spelemidlar med til saman 13,0 MNOK.

Idretten skal skaffe 20 MNOK frå eksterne sponsorar.

Flora kommune vil budsjettere sin andel på 32,5 MNOK i investeringsbudsjettet for åra 2018-2020.

Det vert arbeid med ein avtale med Vågsøy kommune om interkommunalt samarbeid om bygging av fullskala fotballhall i Florø, Storhallen i vest. For å dekke dei resterande midlane 6,2 MNOK. Storhallen vil med avtale gje rett til eit tilleggstilskot på 30 % ekstra på dei ordinære spelemidlane, (10X30%=3,0 MNOK).

Ein søker Sogn og Fjordane Fylkeskommune om tilskot på 30 MNOK.

### Kostnads kalkyle – Storhallen

	inkl mva	ex.mva	Spelemidlar
Sanering skytebane	8 750 000	7 000 000	
Grunnarbeid, vei og betong	35 875 000	28 700 000	
Hall inkl garderobe og lager	46 125 000	36 900 000	9 000 000
Ekstra lager, sosial-/møterom	4 000 000	3 200 000	1 000 000
Elektro/lys/ventillasjon	10 000 000	8 000 000	
Kunstgras og utstyr	3 000 000	2 400 000	
Spelemiddelandel Vågsøy, 30%			3 000 000
Administrasjon 5%	5 387 500	5 387 500	
Uføresett 10%	10 775 000	8 620 000	
<b>Sum kostnader/finansieringsbehov</b>	<b>123 912 500</b>	<b>100 207 500</b>	<b>13 000 000</b>

### Finansieringsplan - Storhallen

Mva refusjon	22 304 250	Refusjon mva
Spelmidlar	13 000 000	Spelmidlar
Idretten/private	20 000 000	Gåver/Tilskot
Sogn og fj.fylkeskommune	30 000 000	Gåver/Tilskot
Flora Kommune, andel 26%	32 412 625	Låneopptak
Vågsøy Kommune andel 5%	6 195 625	Tilskot
<b>Finansieringsbehov nto</b>	<b>123 912 500</b>	

### 2.2 Totalt budsjett for IDRETT 2020, investeringar 2016-2020

Desse tala skal lesast som anslag på kommunens forventa netto investering, knytt til anlegg på Florølandet. Det er ikkje gjort budsjettvedtak på alle tiltaka som er nemnt nedanfor.

<b>budsjett, tal i heile tusen</b>	
Rehabilitering og utviding av løpebaner, Florø stadion - avslutta 2016	10 140
Florø Skatepark, betongpark med delvis takoverbygg - avslutta 2017	6 000
oppgradering og rehabilitering Florø stadion i samband med OBOS, inkl. lys og lyd	19 950
Storhallen i vest	123 900
Tursti Lillevatn	2 000
Utvikling sentralidrettsanlegget	2 500
Rehabilitering Florahallen	13 700
Fleirbruksahall Florø barneskole	50 000
Utvikling Florø idrettsenter	10 000
Rehabilitering og utvikling Havhesten	42 930
<b>totalt</b>	<b>281 120</b>




finansiering, tal i heile tusen	
momskompensasjon	50 602
spelimidlar	35 700
låneopptak og andre tilskot	194 818
<b>totalt</b>	<b>281 120</b>

### 3. Organisering

#### 3.1 Prosjektorganisering

Forprosjektet har eigen prosjektleiar. Delar av hovudprosjektet vil ha egne prosjektleiarar i ulike fasar, men dei skal sjåast i samanheng. Som hovudregel vil hovudprosjektet og delprosjekta organiserast som vist nedanfor.



### 3.2 Prosjektleiing i forprosjekt Storhallen i vest

Prosjektleiari : Rune Bortne

Prosjektgruppe forprosjekt:

Stein Strømsnes, Styreleiar Flora Idrettsråd  
Tore Hamn, Styreleiar Florø Sportsklubb og Florø Idrettssenter  
Robert Endestad, Styreleiar NFF Sogn og Fjordane  
Trine Hovland, Politisk vald, Levekårsutvalet i Flora Kommune  
Margit Drivenes Kløvfjell, Kultur- og idrettskonsulent, Flora Kommune  
Rolf Bjarne Sund, Plansjef, Flora Kommune  
Rune Bortne, Prosjektleiar idrett, Flora Kommune

### 3.3 Andre roller

Arbeidsgrupper : Florø Fotball, FTIF, banemester, driftsleiar

Referansegrupper : Politikk, Idrettsrådet, administrasjon

Styringsgruppe: ikkje oppnemd i forprosjektet





## 4.2 Framdrift hovedprosjekt

DELMAÅL	2017				2018				2019				2020				
	4.kv	1.kv	2.kv	3.kv	4.kv	1.kv	2.kv	3.kv	4.kv	1.kv	2.kv	3.kv	4.kv	1.kv	2.kv	3.kv	4.kv
<b>Forprosjekt</b>	Forprosjekt																
1 Finansiering Storhall																	
2 Avklaring eigarskap Florø Idrettssenter																	
<b>Hovedprosjekt</b>																	
1 <b>Utviklingsplan</b>																	
a BEHOV OG FUNKSJON																	
b Storhallen i Vest																	
c Ledig kapasitet i Florø Idrettssenter-lage plan																	
d Utvikling-sentralidrettsanlegg																	
- Florø stadion																	
- mellomromma																	
e Rehabilitering Florahallen																	
f Kroppsøving Flora Barneskole																	
g Eikefjord - kunstgrabane/stadion																	
2 <b>Drift og organisering</b>																	
a - økonomiske konsekvenser																	

BP= beslutningspunkt

## 5. Risiko og kvalitetssikring

### 5.1 Kritiske suksessfaktorar

- Sikre finansiering av delprosjekt Storhall
- Avklare framtidig eigarskap av Florø idrettssenter.
- Sikre eit samarbeid på tvers av prosesser internt i den kommunale organisasjonen.
- Få til eit samarbeid med idrettslag/fotballen
- Halde fristar, samtidig som ein ser det store biletet – både i behov, geografi og tid.
- Skape kultur for felles organisering på tvers av etablerte skjelinjer (frivillig - kommune, innad i kommunen, mellom ulike driftseiningar)


### 5.2 Kvalitetssikring

- Arbeide breitt i prosjektgruppa med avklaringar knytt til potensielle finansieringskjelder.
- Interessentanalyse – lage plan for interessenthandtering og revidere denne jamnleg.
- Starte intern dialog med aktuelle tenester, prosjekt osv. Etablere dialogforum og forståing for felles framtidig mål i 2020.
- Etablere ekstern dialog med aktuelle organisasjonar, interessentar osv. Etablere dialogforum og forståing for felles framtidig mål i 2020.
- Sikre brei deltaking.
- Planlegge og re-planlegge når viktige beslutningar er avklart.

## 6. Gjennomføring - Hovedaktiviteter "IDRETT 2020"

Framdrift / Milepælar	2016	2017	2018	2019	2020
Oppgåve					
Tilstandsrapport grasbane	x				
Bunnetering /div prøver skytebanen (Sentrumsplan)		x			
Prosjektlear - tilsetjing	x	x			
Samarbeid / arbeidsgrupper Fotball – Idrettsrådet/FTIF	x				
Handlingsprogram Florø Fotball – Florø stadion	x				
Skrive kontrakt Florø Fotball	x				
Kravspek. lys og lyd stadion	x				
Lyd - stadion		x			
Asfaltering OB bil og bak garasje			x		
TV plattform med kommentatorplassar ( midlertidig)		x			
UU utforma toalett ( evt midlertidig)		x			
Rehabilitering grasbane		x			
Innkjøp sylinderklippar		x			
Flomlys			x		
Overflatebehandling tribune		x			
Utskifting stolar		x	x	x	x
Stor-storhall (plassering, kostnad, enkel plan for utforming)		x	x	x	x
Planlegging driftsorganisasjon		x	x	x	
Etablering ny driftsorganisasjon				x	x
Områdeplan med mellomrom, tribuneløysing, tv-tårn – vidareutvikling av utviklingsplan frå Asplan viak			x		
Detaljplan - tribune, undervarme anna			x		
Detaljplan kiosk/tribune/lyd kunstgras			x		





# Anleggsportefølje

---

Oversikt over anlegg for idrett og fysisk aktivitet i Flora kommune

Haut 2017

## Anlegg

Flora kommune har per dags dato 149 eksisterande anlegg og 50 planlagde anleggseiningar;

- 149 eksisterande anleggseiningar
  - 39 nærmiljøanlegg
  - 96 ordinære anlegg
- 50 planlagde anleggseiningar
  - 26 nærmiljøanlegg
  - 24 ordinære anlegg

Tala er henta frå anleggsregisteret. På eit anlegg kan det vere fleire einingar, td kan lys på ei kunstgrasbane vere registrert som ei eiga eining i tillegg til sjølve banen. På eit klubbhus, er det gjerne tre einingar; garderobe, lager og møterom.

I Flora er mange anleggseiningar samla på større anleggstader. Td. ligg det nye felles skyteanlegget inne med åtte einingar på Grovastøylen og i tillegg ligg motorsportsanlegget like ved sidan av med fleire bygde- og planlagde einingar. Mange anlegg er knytt til skular. Den største anleggsstaden er Florø sentralidrettsanlegg, i nærleiken til Flora Ungdomsskule. Anlegget ha to kunstgrasbaner, basketbane, fleirbrukshall, Florø stadion og skatepark. I området rundt sentralidrettsanlegget ligg eit stort turstinnett, der ein mellom anna kan gå i grøntområde frå Havreneståa til Brandsøyåsen.

Florø skatepark stod ferdig september 2017.



Frå opninga av skatepark en 21.sept, foto Tarjei Langeland/Firdaposten.

## Nærmiljøanlegg

*Med nærmiljøanlegg meiner ein utandørsanlegg for eigenorganisert fysisk aktivitet, som ligg i tilknytning til bu og/eller aktivitetsområde.*

Eksiserande:

- 15 friluftsliv
- 4 kart
- 45 aktivitetsanlegg
  - o 18 ballbinger eller ballbaner
  - o Tarzanjungel, turnbasseng, klatrepark x 2, sandvolleyballbaner, sandhandballbane og petaquebane.

Aktivitesanlegga er i stor grad knytt opp mot skular. Vidare er det nærtuområda prioritert, slik som Brandsøyåsen og Sørstrand folkepark. Turstinettet er merka frå Rådhuset og utover til mellom anna desse destinasjonane.



Klatreparken ved Florø Barneskole, foto Sunniva Knutsen/Firdaposten



## Ordinære anlegg

*Ordinære anlegg vil seie anlegg for organisert idrett og fysisk aktivitet og eigenorganisert fysisk aktivitet.*

Eksisterande og planlagde:

- 21 frilufsliv
- 17 kart
- 12 idrettshus (klubbhus, lager, garderobe)
- 46 andre anlegg.

Av andre anlegg har vi mellom anna:

- 3 fleirbrukshallar (to på Florølandet, ein i Eikefjord)
- Innandørs fotballbane, klatrevegg og løpebane
- Stadion med 8 løpebaner, hoppegroper og kastbur med internasjonal standard.
- Grasbane
- Tennisbane
- 2 fullverdige kunstgrasbaner
- To små kunstgrasbaner og to små grusbane
- Stort felles skyteanlegg + fleire små
- Seglsportssenter
- Motorsportssenter
- Hestesportssenter
- Sømjeanlegg
- Lysløype for ski



Bilde frå skianlegget på Humlestøl